



**PARLAMENTO NACIONAL**  
**República Democrática de Timor-Leste**  
**GABINETE DO PRESIDENTE**

---

INTERVENSAUN SUA EXSELÉNSIA SENHOR PREZIDENTE PARLAMENTU  
NASIONAL

Dr. Aniceto Longuinhos Guterres Lopes

Iha okaziaun Komemorasaun Loron Aihan Mundial ba dala 13 iha Timor-Leste

16 outubro 2020

Sua Excelencia Vice-Primeira Ministra, Senhora Armanda Berta dos Santos

Sua Excelencia Ministro Coordenador dos Assuntos Económicos, Senhor Joaquim Amaral

Sua Excelencia Ministra da Saúde, Senhora Dra. Odete Maria Freitas Belo

Sua Excelencia Ministro da Agricultura e Pescas, Senhor Pedro dos Reis

Representante ONU

Senhoras e Senhores convidados,

Ema hotu-hotu iha direitu ba moris, ema hotu-hotu iha direitu ba hetan aihan, hetan aihan ho nutrisaun. Moris no hetan aihan nutrisional nudar direitu fundamental ba sustenta funsionamentu ema nia organismu, fomenta ema nia kresimentu, no kontrbui ba forma ema nia qualidade moris iha aspetu hotu-hotu, inklui ambiente natureza nebe fornese elementus esensial ba ema halao nia moris. Mesmu natureza disponibiliza gratuitamente elementus esensial (rai, minerais, anin, manas, vegetais no animal) ba sustenta ita nia moris, maibe partisipasaun ema nian ho nia kapasidade tomak, iha gestaun no utilizaun rekursus hirak ne'e, determina ema nia qualidade moris.

**Kuda, haburas, sustenta. Hamutuk. Ita nia asaun mak ita nia futuru.** Ne'e mak tema mundial ba komemorasaun Loron Mundial Aihan iha tinan ida ne'e. Responde ba tematika ida ne'e, Timor-Leste fo énfaze ba **“kuda, hakiak no haburas aihan nutritivu hodi**

**sustenta jersaun futuru nebe saudavel”**. Iha aspetu boot rua iha tematika komemorasaun loron mundial ida ne'e: 1) Relasionamentu no kombinasau harmonioza entre potensias naturais ho potensias humana, iha ambitu prenxe ema nia necessidades ho sustentabilidade; 2) Enkuadramentu iha povo Timor-Leste nia realidade no necessidades agora no iha futuru.

Senhoras no senhores convidados

Fontes nebe fornece aihan ba ita ema nia moris mai husi animal, vegetais no mineral sira nebe disponivel iha natureza. Ita ema atribuidu ho kapasidade no responsabilidade ba sai interviniente, no konsumidor produs alimentares nebe disponivel iha natureza. **“Kuda, hakiak no haburas”** katak, hatudu ita ema nia intervensaun, ita ema nia partisipasaun, hodi hetan saida mak ita presiza ba konsome. **“Kuda, hakiak no haburas aihan nebe nutritivu”** demonstra ita nia kapasidade seletivu ba aihan nebe ita tenki konsome no ita hatene saida mak ita nia isin presiza atu han. **“Aihan nutritivu hodi sustenta jersaun futuru nebe saudavel”**, nudar deklarasaun ida nebe afirma ita nia vontade no sentido altroismu, hatudu ita nia kompromisu ba jersaun futuru, nebe merese moris ho qualidade vida saudavel.

Para alem de setor hirak seluk nebe kontribui ba ema nia qualidade moris, iha kontestu ida ne'e, setor agrikultura mak sai pilar importante iha politika **“kuda, hakiak no haburas aihan nutritivu”**. Promove agrikultura sustentavel, asegura aihan, halakon hamlaha, hadiak nutrisaun.

Tinan 20 ona, ita nia setor agrikultura seidauk hatudu rezultadu nebe garante auto-sufisiencia aihan, pelo menus povo Timor-Leste han no hemu husi aihan nebe produz ka disponivel husi produsaun agikula iha Timor-Leste. Nudar Deputadu no nudar Prezidenti Parlamentu Nasional, hau senti chokadu, wainhira hetan notisi ida husi **“Lusa”** iha loron rua liu ba nebe ‘divulga relatório ida husi Índice Global Fome (IGF). Relatoriu nee, klasifika Timor-Leste nudar país **“alarmante”** ba hamlaha iha penultimu lugar husi país 107, nebe klasifikadu pior

depois de Chade. Tuir relatoriu ida ne'e, iha fator lobuk ida nebe kontribui ba risku hamlaha iha

Timor-Leste, nebe inklui inseguransa alimentar kronika, dependensia, infraestrutura bazika nebe laiha kondisaun, qualidade assistensia saude no edukasaun nebe fraku no impaktu husi situasaun klimatika. Índice ne'e relata mos preokupasaun partikular kona ba desnutrisaun infantil nebe atingi mais de metade husi populasaun infantil. Hau hanoin, relatório ida ne'e refleta duni situasaun sosial-ekonomia nebe ita hasoru iha ita nia rain, ke situasaun hanesan ne'e sei iha hafoin tinan 18 restaurasaun independensia, ho Governu sira too dawalu, gasta osan fundu minarai 14 billioens de dólares.

Iha preokupasaun hirak ne'e nia laran ita hasoru tan Pandemia Covid-19 nebe hamoris krize saude mundial, reduz atividades ekonomikas no fo impaktu mos produsaun agrikula. Situasaun ne'e potencialmente kontribui ba haboot vulnerabilidade hamlaha, no haboot malnutrisaun. Krize saude, hamlaha, malnutrisaun nudar keda nasional nebe la distingui opsaun politika, opozisaun ka governantes. Perante situasaun hirak ne'e ita nia vontade no kompromissu politiku tenki forte no koordinadu liu tan hodi hasoru keda nasional ida ne'e. Iha ne'e mak ita hotu tenki konjuga ita nia pontensialidades tomak, hodi foti medidas adekuada, hare fila fali politikas no medidas nebe iha ona, no reve metas nebe defini iha Planu Estrategiku Dezenvolvimentu Nasional.

Politika Nacional Seguransa Alimentar elabora tiha ona iha 2005, iha mandatu primeiru Governu Konstitusional. Iha tinan 2014 Timor-Leste hamutuk ho países CPLP sira lansa Planu Asaun Nasional Zero Fome, iha décima reuniaun Chefe Estadu CPLP nian. Iha 2017 Governu aprova Politika Nasional ba Seguransa Alimentar no Nutricional no Soberania aihan iha Timor-Leste. Planu Estrategiku Dezenvolvimentu determina katak too 2030 Timor-Leste sei livre husi hamlaha, livre husi malnutrisaun hodi atingi moris saudavel. Planu Estrategiku ne'e, konsidera seguransa alimnetar no nutrisional nudar prioridade ida iha dezenvolvimentu nasional.

Situasaun alarmante nebe hatudu iha Índice Global Fome, frakezas iha setor agrikultura aumenta tan ho krize saude no krize mobilidade mundial desafia itania medidas politikas no estrategikas nebe iha tia ona, desafia ita nia modu ka estilu moris, desafia ita nia honestidade atu

deskobre rasik no rekonese ita nia frakezas hodi responde adekuadamente ezigensias sosial no ekonomika husi povu no remodela estrtategias dezenvolvimentu nasional.

Iha hau nia intervensaun badak iha abertura sesaun plenariu debate ba orsamentu privativu Parlamentu Nasional, hau loke ho lia fuan *“Tempu ba “vacas gordas” nian hotu ona, Tempo hotu ona atu halo tan gastos supérfluos, tempu too ona ba halo poupanza, aperta sintu, hahu ho no husi Parlamentu Nasional”*.

Hau hakarak husik hela lia-fuan hirak ne’e iha ne’e, ba mos Governu no ba ita hotu atu refléta no konsidera. Partikularmente relasiona ho komemorasaun Loron Mundial Aihan, hau hakarak hateten tan katak, *Tempu hotu ona atu ho rekursus husi fundu minarai nebe ita sei uiha, lakon tan ita nia potensias agrikultura no tempu too ona atu promove ita nia agrikultura sustentavel, asegura aihan, halakon hamlaha, hadiak nutrisaun, haburas ita nia ekonomia, hasai Timor-Leste husi dependência ba minarai*.

**Nudar Prezidenti Parlamentu Nasional** hau konvida hotu-hotu, tantu individu ka nudar instituisaun, mai ita hatudu ita nia partisipasaun ba supera desafio sira ne’e no hatudu ita nia kontribuisaun ba fo solusaun. Forma no konserta bebeik ita nia komportamentu funcional, no politiku ho disciplina, ho empenho, dedikasaun, **servisu makas ho sentidu altroismu**, hamenus pre-supostos desnesesarios no esbanjamentu rekursos.

Tenho dito

Obrigado!